

20. “Cum integram scientiam adeptus essem, magnus vates a me ut
 “institutionis pretium peteret rogatus est. Atque ille primo venerationem
 “meam, quam per longum tempus sine ullo lapsu ei ostenderam, præmii
 “loco numeravit.

21. “Tum verò magister, precum mearum pertinacia irritatus, neque opum
 “mearum tenuitatem respiciens : ‘Pro scientiæ pretio,’ inquit, ‘tu quater-
 “decies centies centena millia argenti affer.’

22. “Equidem e vase, quo in cærimoniis sacris usus es, nil nisi regis
 “nomen tibi relictum esse colligens, nunc ob institutionis pretii magnitudi-
 “nem molestiam tibi afferre non audeo.”

23. Unicus mundi dominus, qui sensibus a peccato revocatis vixit, lunam
 pulchritudine æquans, ita certior factus ab insigni illo *Vedarum* perito, sic
 respondit :

24. “Absit ut novum hoc mihi nascatur opprobrium, *Vedarum* peritum,
 “pro magistro suo argentum petentem, desiderio suo haud impetrato,
 “*RAGHUE* relicto abiisse ad alium virum munificum.

25. “Tu in optima mea honorataque ignium habitatione quasi ignis
 “quartus commorans duos tresve dies expectare velis, donec ego rem tuam
 “peragere conabor.”

26. “Faciam !” Ita *Bráhma* ille lætus haud vanum ejus sermonem
 accepit, atque *RAGHUS*, terram opibus repletam intuens, argentum *KUVERÆ*
 eripere optavit.

27. Incantamenta, quibus *VASISHTHAS* eum ad imperium consecraverat,
 tantam *RAGHUI* tribuerant potentiam, ut, veluti *INDRÆ* nubis volatum, sic
 illius currus motum neque oceanus, neque aer, neque montes impedirent.

28. Tum *RAGHUS* pius, intelligens, vesperi, *Kailásæ* dominum, quem
 vicinum esse recordabatur, vi sua vincere cupiens, dormivit in curru, in quo
 arma sua deposuerat.

29. Mane illum abire paratum viri ærario præfecti, obstupefacti, auream
 pluviam in medio ærario de cœlo decidisse certiores fecerunt.

30. Rex splendentem hunc auri cumulum, a *KUVERA* appropinquante
 acceptum, *KAUTSÆ* dedit integrum, veluti *Sumeruis* collem, fulmine avulsum.